

大覺普濟能仁玉琳琇國師語錄卷第四 幾四

嗣法門人行岳編

小叅二

檀越請小叅田單問如何是出身句師云
卷一堂外禪坐堂內坐禪值牲問生死到來如

何抵敵師云三世諸佛不知有進云目前

一着子不得縱橫過在甚處師云狸奴白
牯卻知有問以大圓覺爲我伽藍如何是
大圓覺師云近前來與汝道僧擬開口師
便喝僧又申問師便打問凡所有相皆是

虛妄爲甚有山河大地聲未絕師便打又
僧出師亦打僧退師乃云山僧未出方丈
早已知歸猶是不唧溜瀟更待向前喫棒
得與麼不知痛癢然而既到者裏且聽山
僧說夢山僧閉門打睡夢坐一道場彷彿

浴佛前後薰風天氣遠近縕素設供甚盛
山僧因齋慶讚訖聞行殿際歸坐法堂走
出一巍巍堂堂副寺來禮拜起出廣長舌
相吐舌覆面次滿十方高至梵天漸漸收
轉摺作七十二疊還復納口舌相纔隱眉
間放白毫淨光光中出大音聲云啟白和尚
尚太子殿殿主偷供佛菓子山僧云如何
偷供佛菓子進云早間取去五碗晚間送
來五碗山僧不覺驚起蓋此上人實難酬
對若道殿主偷菓子取去五碗送還五碗
如何是偷菓子若道副寺妄語安有如是
廣長舌相人而肯誑言不實不惟山僧不
能對徧問各寮頭首皆不肯對山僧次日
坐睡乃見前來副寺重理前話露社中忽
然走箇一般巍巍堂堂的殿主出來高聲

喝住云副寺莫謗人他云如何謗人乃云
早來未嘗取菓子晚來何從還菓子於是
空王佛歡喜踴躍通身毛孔皆笑直得六
種震動山河大地明暗色空情與無情齊
入如來大寂滅海召衆云會麼若也會得

卷四
管教夢覺俱空若也不會湏知一回喫水

一回噎暮卓拄杖喝一喝下座

五日雲禪薦親請小叅僧問請師直道妙
玄機師豎拄杖云烏藤七尺進云恁麼大
悲千手眼原來只箇身師云千鈞之弩不

爲鼴鼠發機進云龍承點眼歸東海虎得

抽牙出杏林師云急走過問寂寂惺惺時
了無巴鼻未審者着子作麼生定當師云
毒蛇橫脚下進云正與麼時主人公在甚
麼處師云站過一邊進云恁麼則知音總

在閒忙裏不待安居結制期師云直要頭
破腦裂問舍利弗入城月上女出城是甚
麼人分中事師云進前來與汝道進云和
尚現大人相師打云捉兔亦全其力進云
有時恁麼便恁麼有時恁麼即不恁麼師
復打云還要第二杓進云不知三世諸佛
有此病麼師云得恁皮下無血師乃云人
如楚大夫國無叛臣家無逆子忠屈一時
義申千古此是千佛會中一數出家兒莫
卷四
莽齒精白一心視乃祖身世遠且大何近
欺聾瞽人稱大覺連誰見狽生虎慕卓拄
杖喝一喝復舉西天九祖密多尊者生提
伽國年五十口未曾言足未曾履八祖遊
化見其舍有白光乞侍者於其父尊者遽
起禮拜而說偈曰父母非我親誰是最親

者諸佛非我道誰是最道者八祖曰汝言與心親父母非可比汝行與道合諸佛心即是外求有相佛與汝不相似欲識汝本心非合亦非離且道如何是非合亦非離不見道虛空無内外心法亦如此若了虛空故是達真如理聽取山僧報以木桃父母爲我親誰非最親者諸佛爲我道誰非最道者若有耳食者出來云和尚前言不應後語適來辨魔揀異而今又作恁麼話驁喝一喝云癡人面前莫說打你頭破腦裂不知坐斷十方剛見逢人即揖下座晚來師問維那云千鈞之弩不爲麁鼠發機爲甚古德見僧入門便喝進云車不橫推理無曲斷師云我爲甚麼容人在者裏立進云大家有分師云還是與你棒喫不

與你棒喫進云一任和尚師云自領去進云知恩有地僧問如何是學人本來面目師云三箇眼睛四箇鼻孔問那吒太子析骨還父析肉還母現本來身爲父母說法如何是本來身師云露進云萬古碧潭空界月再三撈撈始應知師以扇子東西畫數畫云前三三後三三是甚麼字進云禮拜和尚師便喝柴頭問撥草瞻風祇圖見性如何是性師云兩捆柴一担挑進云蒙卷四師指出金剛眼照見父母未生前師云日日三担莫蟬懶進云如人飲水冷暖自知師云好生著力問馬祖一喝百丈三日耳卷四聲意旨如何師云非汝所言進云黃檗吐舌又作麼生師云兩重公案問不慕諸聖不重已靈還有向上事也無師云有進云

如何是向上事師云東司頭去撒進云恁麼則直截去也師云莫惹人掩鼻問大智文殊因甚出女子定不得師云那裏學得來進云即今問和尚師云一人傳虛千人傳實進云因甚罔明出得師云一處不通

兩處失功進云春色無高下花枝有短長師云學語之流師乃顧視左右云諸大眾大有生滅不停底在努力今生須了却莫教累劫受餘殃衆擬議師以拄杖一時打散

晚參師云石礮研破你諸人腦殼露柱走入你諸人臭孔裏僧出作禮云連朝天兩不扇自涼師云急走過師良久顧左右云禍不入慎家之門各請歸寮衆作禮一僧云如水乳合師云將謂停囚長智

卷四

五

晚參僧問不慕諸聖不重已靈時如何師云利刃有審不須舐蠱毒之家水莫嘗問脫體無依倚猶自立邊疆請問和尚過在甚麼處師云急走過進云撒手千峰外渠儂得自繇又作麼生師云近前來喫棒進

云與麼則分明一點乾坤露誰識其中有活龍師云須是皮下有血問天地未分日月未明本來面目在甚麼處師云荷葉團團似鏡菱角尖尖似錐師乃云世尊四十九年說法祇接得箇飲光山僧二十四年來無法可說一味痛呵毒棒若是知好惡的管教一箇箇超佛越祖去情義盡從貪處斷世人偏向有錢家慕喝一喝卓拄杖下座

戊戌上巳荆溪衆檀越請師入主磬山小

參師堅拂云龜毛拂子利如錐舉出離情
作者知生平不輕全許可拈香須將虎鬚
兒拈香云此一瓣香供養即此磬山堂上
得度得法本師開山老和尚用報無恩之
恩斂衣就座云阿呵呵自具一雙瘦冷腳

未曾輕踐等閒山乃指香案云先師建立
者箇公案經十餘載佛祖不敢正眼觀著
昔年却被某上座徹底翻轉先師直得吼
聲如雷數十年來要人代他雪屈今日剛
得衆檀護出手扶起所謂佛法付與王臣
于今見之某上座于此座上顯現先師全
身去也蓦拈拄杖卓喝一喝下座
晚參師云汝諸大眾未出母胎已與山僧
相見了也已受山僧究竟了也還信得及
麼一僧禮拜而出師云似則似是則不是

師乃云各各信得及則堂上先老人刻刻
與汝諸人耳提面命若信不及則三八晚
參盡須腦門着地一僧出禮拜大眾久立
師云大眾等你答話進云與和尚同鼻孔
出氣師云急走過

晚參師云如何是無寒暑處寒時寒殺閻
黎熱時熱殺閻黎大眾還會麼衆無語師
云同是山中人應識山中語

結制早參師云開山老和尚甲戌冬此日

開爐茆茨草榻築雪烹雲指點磚頭土塊

爲諸人發卷四上上機直教寒谷春回花開石

筭接待三十年來今戊戌冬亦于此日開
爐殿堂寮舍具體而微知浴盡誠檀護一
德香齋次第燈燭輝煌法法頭頭點發一
切人四楞著地直教紅爐涌雪月冷風高

獨露磬山面目且道開山老人乍住爲人
心切久住爲人心切喝一喝云粉骨碎身
未足酬到此了然超百億

晚參師舉扇子云扇子跨跳上三十三天
幾回
築著帝釋鼻孔東海鯉魚打一棒雨似盆

傾有一上座雲門大師踏在脚底進堂出
寮撞著露柱且道是那一箇衆久立師呵
呵大笑歸寢室

晚參僧問月白風清未是衲僧極則未審
如何即是師云巡照鳴椎催坐香進云恁
麼則頂門有眼還同瞽句裏無私用最親
師云何不向下薦取進云祇如下載清風
者拽耙牽犁說向誰師云依稀似曲進云
謝師答話師云且過一邊僧禮拜師良久
舉如意顧衆云看者大千世界總被如意

吞却了也會得的近前來喫棒會不得的

歸堂坐香

晚參僧問敗子成家不許東拋西擲者箇
公案還是和尚建立麼師微笑進云草賊
大敗師云已放過進云轉見不堪師呵呵

大笑云却使山僧笑轉新問出頭天外誰
能委任運無私作者知祇如不涉程途如
何接待師云近前來與汝棒喫僧便喝師
云好一喝遲了八刻進云和尚領取一半
師云再犯不容又僧出纔伸問師云踏步
已知來見解何勞更舉轍中泥僧復進語
師不顧悅衆鳴引磬大衆仍久立師云大
衆三十棒悅衆三十棒

早參衆問話畢師云向上一路千聖不傳
過去佛祖如是說現在佛祖如是說未來

佛祖如是說有者又道千聖不然又道熱

盜鳴聲競欲接竹點天未免影響之徒視同兒戲不見大梅道惑亂人未有了日在任他非心非佛我只管即心即佛鳳毛麟趾好生取則薦休去

晚參僧問承師示誨露柱成佛覺性難酬

重乞證據師云放汝三十棒進云還丹一粒須加點木石同源鐵謂金師云識痛癢好問踢翻滄海大地塵飛喝散白雲虛空粉碎語未竟師云放汝三十棒進云棒頭

有眼明如日要識真金火裏看師云更要第二杓僧喝師云急走過問法無上下高低因甚天上一輪滿月人間盡兩月半師云放汝三十棒進云徧界寒光即不問月輪落後又如何師便喝良久顧視左右云

雲月是同溪山各異

早參僧問馬大師道即心即佛南泉道不是心不是佛不是物未審和尚作麼生道師云即心即佛不是心不是佛不是物僧擬議師便喝問今日深秋寒入骨庭前霜

履菊花新且道明甚麼邊事師便喝進云恁麼則露柱成佛已竟請和尚爲衆說法

師云三十棒待別時進云和尚說法已竟爭奈知恩者少師云且過一邊問如何是空手把鋤頭師便喝如何是步行騎水牛

卷四

九

師云急走過如何是人從橋上過師云傅大士在汝腳底如何是橋流水不流師云更要第二杓惡水問水無筋骨因甚長流不斷師便喝進云恁麼則四面青山擎日月一湖碧水浴乾坤師連喝兩喝良久乃

顧左右云清寒久立大衆珍重

結制小參僧問天得一以清地得一以寧
聖人得一而天下和平法王無上超出一
切其有所得而然耶其無所得而然耶師
云近前來與汝道進云有水皆含月無山
不帶雲師云放汝三十棒進云拂拂清風
生法座定教海晏與河清師云過閻釋迦
過去彌勒未來正當此日請師舉唱師云
倚天長劍逼人寒進云如何是第一玄師
云知音不用頻頻舉進云如何是第二玄
師云漚和爭負截流機進云如何是第三
玄師云一條拄杖兩人昇問結夏安居即
不問請轉法輪事如何師云薰風自南來
殿閣生微涼師乃云山僧積勞久病寃空
先親志惟廬墓因編集先錄暫稽舊山居

此報恩西序頭首當專治佛法凡自利利
他常住事與堂中無涉者不必干預閒住
執事當專究本分不可間議閒管別事東
序頭首及一切執事事處處當以助衆
成道爲心不可舉用好事喜功之人有悞
修行研究佛法如登山須到頂入海須到
底登山不到頂不知宇宙之寬廣入海不
到底不知滄溟之淵深顧左右云今日結
制之辰何不舉揚大法提掇宗乘乃作如
斯尋常語話驀喝一喝云不見道大凡演
唱宗乘一句語須具三玄門一玄門須具
三要路有權有實有照有用又不聞曹洞
五位面互雲門一字三閑爲仰父子投機
法眼三界唯心若能洞明大法了悟宗乘
山僧恁麼告報端不尋常驀卓拄杖喝一

喝下座

晚參師云盡十方虛空是箇火爐四生九
有盡向冷地裏坐不知以何法遮掩衆競
出答話師云師子皎人韓盧逐塊

庚子夏過大雄端陽日檀越請小參師乃
橫按拄杖云身心水月世界鏡花十方寂
寂萬法閒閒說甚海寬地厚有何鳬短鶴
長舉手攀南斗回身倚北辰出頭天外看
盡是我般人卓拄杖下座

晚參師拈拄杖云山僧拄杖子吞却山河
大地汝諸大眾向何處安身立命衆無語
師云不是冤家不聚頭

晚參師拈拄杖僧問如何是一切聖賢如
電拂師云棒打石人頭曝曝論實事進云
見性成佛事如何師云兩重公案進云一
即事晚參師云適來坐睡作得一夢夢見
露柱害病請醫診脈却請著箇良醫把他
從頭至足診了一徧告他道你本無病却

亘晴空淨寒光絕是非師云再犯不容師
乃云清虛之理畢竟無身如理如事官不
容針觸瞎千聖頂頓眼曹山潦倒強惺惺
驀臯拄杖喝一喝

禮塔歸晚參師云若人識得心大地無寸
土天目代出明心見性祖師因甚郤有許多
奇松怪石衆良久師以禪板拍案云人
歸大國方知貴水到瀟湘一樣清

晚參師云敲空作響擊石無聲大眾默坐
時成得什麼章句課誦時能有幾人不動
口衆無語師云放下衲僧鐵面皮切莫隨
羣與逐隊

是自生顛倒自討苦喫露柱恍然大悟通
身踊躍從無始至盡未來際覓病起處了
不可得頓入塵塵三昧與盡虛空徧法界
情與無情一時同證大安樂法門直教山
河大地明暗色空異口同音一唱三歎慶
幸希有剛被門邊立著箇夾岸禪和子掉
頭不信摩挲露柱云你分明是箇立地死
漢惹得碌盤開口喝云你恁麼正是撞着
露柱的瞎漢山僧聞他者喝不覺歡喜便
迺驚醒問汝大眾露柱害病醫他好不醫
他好若道醫他則无妄之藥不可試也若
道不醫豈可覺時佛法與夢時一般到者
裏如何決擇良久顧左右云夜深歇去
晚參師云昨夜有僧問無夢無想主人公
在什麼處聲未絕山僧以手掩其口有透

得遇的代進一語庶不孤負山僧良久云
兩華亭騎案山入佛殿去也入夜堂中坐
參復令透此話夜深師云却得露柱透過
了告山僧云兩華亭騎案山入佛殿是真
語者實語者直令闔天目山內外大眾一
箇箇毛孔中著得幾座佛殿既有此木上
座道了蓋覆得大眾過向下文長付在來
日

月庭小參師云古人道石頭大的大小的
小明什麼邊事又云覩月還是陰處好明
卷四
十一
處好衆競進語師迺云昔日有書生來參
山僧問他道鷺飛戾天魚躍於淵言其上
下察也如何是察的道理士答不契山僧
自代云黑諸人會得者一語要透適來兩
問也不難

七月朔日早參師云三秋今日始一夏事
如何萬里無寸草淨地奈先局好大哥還
他肌骨好不用著衣多

晚參師握竹箆作撫琴勢僧出問作麼生
得四稜跔地音詰師云擬釣鯨鯢音鯢師迺云昨晚

香嚴禪師入室告報山僧道堂中大有人
會得老僧上樹話且道是那一箇衆無語
師連聲咄云盤山會裏翻筋斗到此方知
普化顛

中元小參師拈拄杖僧問如何是奪人不
奪境師豎起拄杖進云如何是奪境不奪
人師云禮拜著進云如何是人境兩俱奪
師云今日且放過進云如何是人境俱不
奪師云謝汝齋進云料揀已蒙師指示即
今臨濟大師是何面目師便打僧云喫師

又打幾擊著琉璃又僧問西來大意則不
問如何是正法眼藏師云琉璃代汝喫棒
了也進云與麼則當頭炤耀師云得恁知
痛癢音惱問一子出家九族升天目連神通爲
甚救母不得師云汝是大不孝人進云父
子上山各自努力玄沙悟道爲甚其父生
天師云汝是大修行人進云只如和尚權
衡祖令師範人天未審專人居何地位師
震威一喝進云如是則幽顯普利萬彙沾
恩師云前谿水急後嶺風高師迺云祖庭
乍住頤荒涼準擬秋來絕稻糧每日雲堂
共危坐晚參人道似汾陽召大衆云西河
有當門師子來者即便敵殺若爲入得汾
陽門見得汾陽人驀喝一喝和聲卓拄杖
云我不可作汾陽兒孫不得然雖如是事

無一向今日却值佛歡喜僧自恣之辰十
方雲集香飯飽餐且道西峰師子與西河
師子同聲相應耶超宗異目耶直立拄杖
云看取汾陽祖師在山僧拄杖頭上坐寶
蓮華之座出廣長舌相徧覆三千大千世

界地搖六震草木瓦礫悉演法音琅琅說
頌云三玄三要事難分得意忘言道易親
一句明明該萬象寶盆珍饌供三尊下座
晚參師拄杖坐良久迺云我觀坐禪瞌
睡者大都是不善用心我今不要你們用

心一箇箇令汝等見性去願麼一僧作禮
云和尚慈悲師指云大家禮取露柱卓拄
杖云待繫盤教住來向山僧手中喫棒
晚參師云僧問古德學人尅入叢林乞師
指箇入處古德云還聞偃谿水聲麼僧云

聞德云向者裏入汝等諸人作麼生會一
僧云仰止巖前師子吼雨華橋上牧童歸
師云三級浪高魚化龍癡人猶戽夜塘水
一僧云從門入者不是家珍師云自領三
十棒迺顧左右云歸堂喫茶

晚參師云堂中四箇露柱一時成佛去也
召衆云且道成佛的事作麼生迺云直得
現大人相爍破山河大地令古之今之瞻
仰他不及迴避他不及汝輩何得堆堆守
故轍以竹籠旋風打散

晚參師舉竹籠子云大眾喚者箇作什麼
卷四
良久師迺云夜來虛空落地大眾眉毛無
恙逢人覲面提持未免觸途成滯所謂百
千澄清大海棄之而惟認一浮漚以竹籠
向地一畫

暨前殿桐鄉公李護法送齋僧大鍋等進山同遜予鉢上座體淨常禪人請小叅師

云我有一間殿無外亦無內廣蔭幾多人問著難理會我有供衆鍋不少亦不多到來盡飽餐飯罷任摩挲我有二三子非勤亦非惰語默絕思惟動靜無虛過下座

燈節晚叅師云龍池石磬報恩大雄天目每年新正半月禮祖正當禮拜時且道祖

師對大眾說什麼法衆答話畢師左右顧視云各各頂門著地始得

晚叅師拈拄杖云汝諸大眾各各會得大地無寸土麼一僧喝師云昨日有人胡喝亂喝三十棒趁出去也師迺云主山高案山低

佛涅槃日晚叅師召大眾云今日是什麼

日子衆答話畢師迺云三春今已半箇事合如何全身示現日睡眼細摩挲

大悲誕晚叅師杖空一下召大眾云敲空作響擊木無聲會麼

晚叅師云若人識得心大地無寸土釋迦

文佛睹明星時天目山大轉法輪阿誰得聞衆各進語師云若不藍田射石虎如何識得李將軍

小叅師云今日是開山高祖誕辰舉則公案供養大眾昔日高祖住此西峰上堂云

盡十方世界是箇益孟汝等諸人喫粥喫飯也在裏許屙矢放溺也在裏許行住坐臥迺至一動一靜總在裏許若也識得達磨大師只與你作箇洗脚奴子若也不識二時粥飯將什麼喫叅師云高祖恁麼告

報却似俯憐幼子提獎嬰兒新天目却要
問取久參衲子盡大地是箇盜孟喚什麼

作穿衣喫飯喚什麼作屙矢放溺喚什麼
作行住坐臥語默動靜若也識得更有什
麼達磨大師若也不識便見有穿衣喫飯

卷四

十六

便見有屙矢放溺便見有行住坐臥語默
動靜二時過堂喚他作飯袋子豈爲分外
召大衆云且道高祖說得是新天目說得
是若高祖說得是佛法豈有兩般若新天
目說得是山僧却是高祖兒孫大凡參學
須是透頂透底明緇素識好惡始得若也
半青半黃顛頽穿鑿未免觸途成滯驚喝
一喝云劍爲不平離寶匣藥因救病出金
餅

結夏小叅師云天目今年結制以盡虛空

卷四

十七

徧法界爲禪堂來者一任來去者一任去
若還偷心不死情知門外立地

早參師示衆云同居此西峯祖庭務須福
慧兩嚴事理出就方堪與開山祖師同盜

孟喫飯

晚參師握拄杖云不思善不思惡如何是
本來面目垂絲千尺意在深潭不與萬法
爲侶的是什麼人躡足龍門清風徧界今
時人聞舉著本來面目不侶萬法的人便
道蓋天蓋地惟我獨尊殊不知正是客作
漢馬大師云待汝一口吸盡西江水與汝
道也須是箇人始得切莫輕接嘴
晚參師舉扇子云雲門大師忍俊不禁在
扇子頭上揚聲大叫云大衆莫瞌睡衆作
禮師云各與三十棒

晚參師云經行及坐卧常在於其中且道是什麼人分上事良久云莫道天目說如來禪好

天雨早參師示衆云諸人專爲生死入山辨道晴天須動中用心天陰須靜中加工

靜中加工方知動中打失不打失顧左右云三祖時時在汝諸人毛孔出入知麼各各卸却皮囊子相見

堂中晚參師示衆云來此深山祖庭須叢了生死的禪欲了生死須空四相不見金剛經說令一切衆生入無餘涅槃而實無一衆生得滅度者如是無人我衆生壽者之相方到父母未生前到得父母未生前自然證取本來面目所以五祖每令人誦金剛般若不知者以般若爲空宗殊不知

佛說之空未有空而不圓者若空而不圓即是外道空臨濟大師道一句中具三玄一玄中具三要法林秋晚有志之士須共同努力

晚參師云天目今年過分辛苦有箇不動尊古如來衆本願輪作不請友時時爲大衆說法大衆共見共聞麼衆擬議師便喝晚參師云白雲不動青山走

堂中小參是晚免巡香開小靜一老衲大展九禮幾四師云年多識廣師迺云饑則飽餐香飯卷便垂頭黑甜好大哥樂也麼要睡的各與箇枕子鐵磬大良久拈拄杖旋風打衆伏地師蓦擲拄杖出堂

晚參問話畢師迺云我祖昭覺老人有箇瞌睡歌歌中有云睡著更綿密山僧是他

兜孫衆中有解睡者各與一箇鐵磬大的
枕子昨晚散與堂中大衆見枕子太大
承當不得盡嚇倒了今晚散與各堂寮大
衆承當得的各請領取驕拈柱杖衆皆走
散師以杖拍案云鍊得通紅打一錠周遭

幾四
無數火星飛十成好箇金剛鑽攤向門前

九

賣與誰

坐七完晚參問話畢師迺云衲子不叅禪

山僧不答話此衆無枝葉惟有一真實

檀越請小叅師拈香云者一炷香從遜予

鉢上座等領淮海道祖檀越信心中拈出

將來炳向爐中成如意寶輪滿足殊勝雲

供養盡虛空徧法界常住三寶靈山會上

本師釋迦牟尼尊佛尊法賢聖衆西天東

土歷代祖師南嶽直下諸祖臨濟本宗歷

代諸祖本寺開山諸祖荆谿石磬山先老和尚伏願檀越福慧兩嚴上座輩自他俱利現前大衆同成正覺同利衆生師就座迺云不思善不思惡正恁麼時本來面目益天益地露柱頓開十萬八千金剛正眼

千峯萬峯奇松怪石化作金毛師子王蹲

跳上三十三天虛空片片爲瑞爲祥滿落

人間呵呵呵好大哥風流不在着衣多

早叅舉僧問趙州柏樹子幾時成佛州云

虛空落地時成佛僧云虛空幾時落地州

云柏樹子成佛時落地師云古佛與麼老

婆心切大衆知麼良久云趙州與諸人隔

江

佛成道日小叅問答不錄師召大衆云世尊於數千年前與天下古今人同證智慧

德相奈何數千年後尚有開眼瞌睡的五祖示人念取金剛般若便把人人驀頭一杓冷水迺僅聞老盧一人知非顧視左右云庭柏蕭疎日卓午莫覓寒棲鼓翅聲

草堂得月峯晚衆師云盡大地是沙門一

隻眼千松萬竹向甚處著一僧出師便喝

除夕晚衆師云古德烹露地白牛分歲老僧與人人一面古鏡良久云受用得的各希鑒納如或不然未免完璧

元旦小衆師云先天地而生後天地而不老又有道惟有拄杖子無舊亦無新此皆

陳年曆日東而置之高閣可也老僧與大眾說些應時及節的佛法迺云苟日新日

日新又日新

春朝報恩堂小衆師云新春無可供諸大

衆指諸大衆叅取箇真善知識迺以如意西指云者林竹得恁清復以如意東指云者林松得恁古

起期晚衆師云與大衆約法三章一不許坐禪二不許經行三不許喫粥喫飯衆擬議師震威一喝

晚衆衆集師趁令退衆立不散師云大衆既堅立不去豈可空過有生平不輕說的佛法今日說與大衆驀休去

晚衆師云有箇絕勝境界爲甚人不肯到善良久云都緣太近至

解制小衆僧問羅籠不住呼喚不回成付麼邊事師打云打出你頂門眼進云如是則信步蹣跚華藏海堂堂徧界任縱橫師以拄杖擣云刺瞎你眼中睛師迺橫按拄

杖云千人萬人中得一人半人得一人半

人方知一切衆生皆具如來智慧德相但以妄想執著不能證得一冬來有不空過的麼有則須向人前吐露莫只背地裏半吞半吐晝次中不青不黃爲山九仞功虧一簣逗到結角羅紋處噬脣何及驕喝一

喝卓拄杖云把住也黃金失色放行也瓦礫生光黃金失色必藥汞非真精金百鍊愈見光輝瓦礫生光豈燕石爲寶魚目作珠彌增怪笑今日正當解制之日有最親

切的末後句分付大衆雪後始知松柏操

事難方見丈夫心

晚參師云不將境示人庭前柏樹子堆堆老趙州石橋滑如水大衆作麼生與祖師相見衆久立師云長羣新婦拖泥走端的

知恩解報恩

晚參舉世尊示隨色摩尼珠問五方天王云此珠作何色時五方天王互說異色世尊藏珠入袖却擡手云此珠作何色時五方天王云佛手中無珠何處有色世尊歎云汝何迷倒之甚吾將世珠示之便各強說有青黃赤白色吾將真珠示之便總不知時五方天王皆悉悟去先磬山云世尊奇特俾天王一一悟道千古之下令人樂聞磬山不肖遠孫也要效顰不識大衆信得及未驕伸出拳云是什麼色若云是拳非珠老僧喚他近前來你恁麼道天王不如且道是賞伊是罰伊師云山僧聞此直得帆隨湘轉望衡九面還有與新天目同參的麼良久云法如大海須將大海來領

取大海去

晚參師示衆云凡看公案須研窮佛祖落處不可在語脈裏轉嬾母效顰邯鄲學步見笑大方取譏識者今將晚參所舉隨色摩尼因緣逐一徵示且道天王悟去在擡

卷四

王

手處不在擡手處是拳非珠是超宗異目語是觸途成滯語若道超宗異目爲甚先磬山云是賞伊是罰伊若道觸途成滯爲甚云你怎麽道天王不如承言者喪滯句者迷言無展事語不投機

晚參師云晚來山行問僧百骸潰散時如何進云徧界不曾藏山僧指面前石云喚者箇作甚麼僧無語有人代他進得一語麼良久云從緣薦得相應疾就體消停得力遲

卷四

王

結夏知浴同武林檀越請小參師拈拄杖僧問千年祖席重興萬古宗風再振除却語默棒喝請師別通消息師云進前來與汝道進云如是則衝月白牛露地走追風天馬帶雲飛師云急走過問九旬禁足即不問不涉功勲事若何師云放汝三十棒僧禮拜師云得恁知痛癢師迺云山僧出世三十餘年所有佛法盡皆說却了也今來天目住箇破院子領衆作務時作務坐禪時坐禪卓拄杖云切忌動著動著則三十棒靠拄杖云同入此門來熏風好著力塔院晚參師左右顧視云汝諸大衆各須使得一切時莫爲一切時使轉得一切境莫爲一切境轉良久震威一喝

普請栽秧晚參師云古者道大衆爲老僧

開田老僧爲大衆說大義天目則不然大衆未嘗裁田老僧却爲說大義衆作禮師云維那何不道與麼則大衆一箇箇閒閒地去也

盛暑晚參師云鑊湯爐炭裏迴避無寒暑處迴避且道那箇眼青那箇眼白衆答話

畢師云謹白參立人寒暑莫虛度

晚參師舉扇云有見得雲門大師的麼維那進云今晚定雨師云大衆幾人打溼袈裟角那率衆作禮師云雷聲甚大

謝雨晚參師云雲門大師本擬向扇子裏長伸兩脚安穩打眠剛被維那嗚椎竭力驚他出定直得兩似盆傾澤被萬物大衆有賴如今若爲復請雲門大師向扇子裏入定去良久云轉扇子歸雲門大師復云

既易轉扇子歸雲門轉大師歸扇子何難祖堂晚參師云大衆在祖師毛孔中作禮祖師在大衆眉毛上趺坐

早參師云夜來露柱子入室報道到處走

一遭審知今時參學人一箇箇銅頭鐵額老大虛空整片掉將下來牆壁瓦礫悉百雜碎惟有參學人依舊眉端目正全沒星子事山僧向他道臘月三十日快到各自打掃門前管甚東家杓柄長西家杓柄短露柱子聞即冲舉山僧一夜半疑半信適

庚四

二十一

來侍者云大衆早參山僧不覺踊躍者件疑事有箇雪處問諸大衆各各有甚護身符子衆答不契師拈拄杖旋風打散衆作禮師擲拄杖云一日復一日年從頭上增除夕晚參師云今日未悟道者不合睡凡

未悟道者如爲客未到家一般不見古人
云旅館寒燈獨不眠客心何事轉悽然故
鄉今夜思千里霜鬢明朝又一年已悟道
者亦不合睡凡悟道者如生西方一般所
謂如蓮華開似大夢覺從此應無寒暑無

卷

三

空著地擲壓倒萬萬人阿哪阿哪泣第二
訣龍女解成佛大海徹底乾紅爐片片雪
第三訣門有當行客各自買與賣不費主
人力衆作禮師左右顧視云將此深心奉
塵刹是則名爲報佛恩

晝夜久悟道者亦不合睡凡久悟道者應
般若清楚如所謂夢中說六波羅蜜與醒
時說六波羅蜜是同是別此等葛藤應趁

殘年討箇倒斷何俟當來問取彌勒是爲

天目三不睡昔人家風澹泊每說小參以

爲供養天目今日報恩堂佛事完遲說此

三不睡以爲晚參

早參問話畢師云天目有三訣一訣一鐵
櫛若人吹得通佛祖下風列會得的對衆
激揚如或未能山僧自爲頌出第一訣虛

分曉豈肯此間一期那間一期寄籬因熟
舐指捋柱窮年積歲半飽半饑眼光落地
恍惚惶惶前路渺茫噬臍無及汝諸大衆
會得夜來三訣頌便許會濟上三玄更有
三要語在切莫造次然而者件事一了百

了一處通千處萬處通一節了千節萬節
了果能契悟本來舉一明三自然明逾杲
日感迅雷霆直教人藏身無地掩耳不及
所以道三玄三要事難分得意忘言道易
親一句明明該萬象慕喝一喝和聲將竹

箇子拍案一下

上開山祖塔供師拈香云虛空粉碎地平
沉真參實悟眼中金枕子落地安邦國管
見狂奴窖底評師繞塔畢復作禮云透脫
重闕代有聞死闕終世更何人沐猴畫錦

氣蓋世姪馬噬臍懊惱深

上中祖塔供師拈香云透脫重闕句法雲
拈出新生平不曾悟霹靂鴨能聞師繞塔
畢復作禮云有道惟頻退身世如浮雲參
禪無秘訣承言生怒瘦

卷四

三十六

結秋小參師云皮膚脱落盡惟有一直實
大眾會麼迺云汾陽化紙禹門普柳天旨
者裏前谿水急後嶺風高且道那箇在前
那箇在後良久云歸堂喫茶

友石靜主領寧國衆檀越請小參衆問話

畢師云昔有政禪師每騎牛出入人呼之

爲政黃牛住錦里功臣寺數十餘年未嘗
說法有問之者曰吾倩萬象開演我說有
盡此之開演無窮今日友石上座同諸檀
越啟請說法又作麼生須知萬象開演我

卷四

三十七

說無窮無言頂其聲如雷玉柱峯通身是
眼雨華橋橋流水峙旭日翠微和合高歌
諸上善人來時好道去時亦如來時一香
一果充塞寰區一米一豆十方普供且道
佛法極則一句是如何衝開碧落松千尺

截斷紅塵水一谿

東山祖忌拈香師云透白雲重關行少室
正令有昭覺如龍得水似虎生翼唐虞之
際於斯爲盛靠者著子如須彌山至簡至
要至易至直萬般存此道一味信前緣言
而世爲天下法行而世爲天下則天目拈
一片香直是仰望不及

小衆舉黃檗接臨濟公案師示頌云生成

鐵壁銅牆能禁雨傾風撼平地壁倒墻坍
受敵驚羣八面寒光百鍊千鎚真金色變

不變要識師子搏兒不露爪牙難辨

小衆舉趙州十二時歌師示頌云識心見

性不蹉路廓然太虛露露平常心道擬
即乖知與不知二俱墮南泉終日口吧吧
問著無言忙下座超宗異目克家兒勘徧

諸方關門戶向北天空日月寬石橋平滑
人難度砒霜鳩毒滿把擗虎狼蛇蝎供坐
卧不下繩牀接趙王敲扉排戶鳴饑餓步
行騎馬亦騎羊眼青無佛亦無祖教會婆
婆轉藏經臺山有路親勘破嘻笑怒罵震
如雷倒雪高聲墮雲霧知音滅口靜焚香
等閒寄取鋏子去

九月朔檀越請小衆師云天得一以清地
得一以寧君得一以明父得一以慈子得
一以孝友得一以恒且道道者得一又作
麼生師拈拂子云釋迦文佛以至孝成無
上正等正覺達磨大師以至孝鼻祖支那
六祖大師以至孝傳法開宗先磬山老和
尚以至孝得龍池正印今日武林魏檀越
母難之辰同諸善友得得入山設齋請法

是爲大孝之大孝且華果同時自利利親
一句作麼生道火裏金蓮高丈披風拂
月長精神下座

四月八日晚叅師云凡在天目住者辛苦
真辛苦澹薄真澹薄然須各各檢點爲甚

卷四
來受此澹薄爲甚來受此辛苦果能究竟

則著衣不挂一縷絲喫飯不嚼一粒米走
路不動步作務不動手澹薄不澹薄辛苦
不辛苦有入處的如此行持愈退愈進愈
晦愈明未有入處的如此行持自然工夫

成片管教定有入處大衆作禮師復云肯
信者幾句老實告報便見釋迦老子時時
出生在在成道

結冬請小叅師拈拄杖云真叅實悟人多
是名佛出世真叅實悟人少是名佛涅槃

今日正當結制之始却值三祖尊者涅槃
之辰有識得祖師面目現在者出衆相見
一僧云徧界不曾藏一僧喝師云各與三

十棒師乃云江之南江之北六六三十六

淵之深天之遠兩眼對兩眼春花秋月夏

雲冬雪東涌西沒西涌東沒顧視左右云

從上來不可按牛頭喫草如世良馬見鞭
影而高飛驥鳴一喝和聲卓拄杖下座

除夕晚叅師云汝諸大衆同此天目度歲
還知有奇特事麼良久云日日香煙夜夜

燈

千丈巖早叅師示衆云祖師鼻孔長大衆
鼻孔長知客進云將謂和尚忘却師云腦
後惺惺

早叅問話畢師乃云叅禪無秘訣只要生

死切絕思惟處道將來吸盡西江口門濶
若還熟處不能忘追逐波旬遠彌勒乘諸
所重學無生記取夜行莫履白驥喝一喝
云鷲王擇乳龍象蹠下座

佛成道日早衆副寺問一句當天永絕八

萬門生死未審是那一句師云細磨豆粞
供午爨旋挑脫粟接朝炊師乃云本師釋
迦文佛云一切衆生皆具如來智慧德相
但以妄想執著不能證得汝諸大眾還知
智慧德相麼內不見有身心外不見有世
界發真歸源十虛消殞妄想寂滅執著淨
盡情與無情同成正覺且道塵塵三昧一
句作麼生道良久云盃裏粥碟裏菜下座
晦日晚參師云本山大衆固是精勤苦行
但解制以來不無減舊增新更爲申示自

後久居大衆須以尋常家範說與初進諸
賢第一須敦尚戒德已圓大戒者貴乎身
心俱淨方受具戒十戒者即須嚴束身口
初出家者須精持五戒五戒爲衆戒根本
爲一切法之根本也凡半月半月誦戒證
戒各須依時齊集執事者尋常見人持戒
不嚴即行舉退不可留一敗羣者於中儻
有證戒誦戒違約不到即行舉罰助衆精
嚴不可失舉致滋懈怠如是方爲清衆同
居第二要福慧兩嚴來此祖庭須求入祖
師闡奧出生死絕輪迴閒忙動靜須似木
人坐卧木人行動時時觀看此身如死屍
一般如何解飲食解作爲切切看破念頭
起處則一切處是你成正覺處一切時是
你成正覺時所以十方世界無鍼鋒許非

佛菩薩捨身命辦道證道處不相信者母勞共住第三自利利他須發願迴向仰三尊之力懺其已往悔其將來二時課誦務用精勤時至執事者尤當以領衆爲心散衆不到盡執舉罰各執不到互相舉察自

然人人精進至於饔餐稍繼須念世之饑

寒困苦凡遇普請念誦務須勇往直前四恩總報三有齊資顧視左右云前三約終身可行後勸勉及時濟物所以行之者一也是故君子誠之爲貴召大衆云久立珍

重

檀越請小參師云一切有爲法如夢幻泡影如露亦如電應作如是觀者釋迦文佛普利有情將安養世界瓊樓寶閣化食化衣八功德池七重行樹微風衆樂異鳥同

音種種殊勝擬在人人目前直令過現未來學般若菩薩空男女等老稚忘縕素同一眼見同一耳聞同一身證光明無量壽命無量眷屬無量與諸上善人俱會一處飯食之頃盛衆妙華徧供十方無量諸佛如是自利是爲大利如是益人是爲大益且離幻大覺一句作麼生道虛空撲落地柏樹子成佛震威一喝和聲擊如意下座解制小參師云壬子年閏七月結夏一百二十日天目亦隨例留得諸禪多淹泊一月多辛苦一月今年田稻熟去住飽禪悅古路鐵蛇橫拄杖笑不輟衆中有一天人獻花無路鬼神窺覷無門的與大衆同坐眠同作息是誰識得出咄咄截路谿谿水潔明標雲樹樹松奇出下座

科司馬祈嗣請小參師云灤界洪寬聖凡
靡間道源深密智巧何施得意忘言盡塵
沙國土是當人一隻眼返聞識性總十二
類生爲如來千億身高不可踰卑而彌厚
爭之無我讓之匪他放行白鶴鸕鷀生輝
把住照乘連城失色承先則本端而流遠
開後則根固而葉蕃其入世也百花林裏
坐一葉不沾身其超世也古佛殿前行千
燈競發談且道是什麼人能行恁麼事眼
中著得須彌山指端傾出滄溟水下座

晚參師左右顧視云結制來一月也金剛
圈作麼生栗棘蓬作麼生衆競答話師云
道得的也三十棒道不得的也三十棒衆
作禮師云識法者懼

被燒却因甚道玩人喪德一僧云三十年
後大有人恁麼問師云何不道驚人之句
千古罕聞師顧視左右云山僧爲甚昨日
不肯今日却肯衆聳然拱默師云我不輕
於汝等汝等本來是佛

佛成道日知浴領檀越請小參僧問如何
是趙州闡師云五九四十五窮漢街頭舞
問古人道盡大地無纖毫過患猶爲轉句
不見一法始是半提更須知有向上全提
時節如何是向上全提的時節師云許你

幾四

三五

膽大進云恁麼則雪滿長安衆盈兜座師
云知痛癢好進云末後一言更望布施師
云識法者懼問度盡衆生方成佛道如何
度衆生師云世尊成道日檀越送衣來進
云如何成道師云庭無立雪人焉明覩星

晚參師云盡大地是箇火阨得何三昧不

幾四

三十二

事師乃云有一道真言病者得瘥貧者得

寶苦者得樂夭者得壽富者愈富貴者愈

貴長年者長年中尊安樂者安樂中尊是

大神咒是大明咒是無上咒是無等等咒

能除一切苦真實不虛且道是那一道真

言一切衆生具有如來智慧德相但以妄

想執著不能證得師震威一喝云若也直

下透得何須六年苦行夜半明星如或未

然試看先宗是何標格下座

晚參僧出問現前即不問聲未絕師便打

又僧出纔作禮師亦打師乃云老僧數十

年來與人婆娑和和今日索性婆娑到底

隨聲以拄杖旋風打散

解夏結秋清谿檀越請小參侍者報衆集

久立師云向道老和尚與大眾說法竟衆

聞踴躍作禮而退

癸丑九月朔小參僧問如何是實相義師

云進前來與汝道僧擬議師便喝師乃云

水懸山立雲外高標雙塔峻風恬月滿林

中古刹一川平坦坦夷夷處突突兀兀突

突兀兀處坦坦夷夷有時重關深掩有時

偏界分身欲從重關深掩處相見却也偏

界分身欲從偏界分身處相見却也重關

深掩得意忘言千里同風迷封滯殼覩面

萬里傾蓋如故白首如新十室忠信一賢

好學把住驚龍象放行馴鹿鷗師視左右

云久立珍重下座

小參問話畢師云空花千朵自翳自欺些

子金剛穢軀裂出出門問道好惡須知發

步研宗邪正莫混形端影直響順聲和煮

砂終不成糜種豆焉能得穀久參上士揀
魔辨異明析是非庶可自利利他若也菽
麥不分奴郎不辨四恩難報枉廁僧倫不
是與人難共合大都綱素要分明下座

小叅師云山僧日來端居丈室許久不與

卷四

三三

大衆相見汝諸大衆各成枯木之侶顏不

音釋

噎於歌切音謂食
窒氣不通也 窠空上朱倫切音肫
窀穸墓穴下祥亦切音席 效顰下皮賓切音貧眉蹙
幽堂也又強學人曰效顰 嫋莫胡切音

犯人苗稼拄杖子躡跳上三十三天揚聲
大叫云東西南北四維上下普皆吹大法
螺擊大法鼓建大法幢如日普照如雷普
震驚得閻羅大帝眉毛火發燒得東海龍
王手忙腳亂波濤浪涌奔走訴剛遇前
三門老巡照在枇杷樹下曝背坐睡嬾牛
鼾作師子吼驚得拄杖子退身三步潛身
歸來依舊靠在山僧繩床角頭穿却內外
大衆一切人鼻孔汝諸大衆十二時中語

卷四

三五

大覺普濟能仁玉琳琇國師語錄卷第四

默動靜好生隄防木蛇橫古路切忌觸著
觸著則禍生衆久立師震威一喝下座
小叅侍者報衆集師云向道老和尚在大
衆鼻孔裏